

內 務

四 十

四 月

役應免置議 謹奏

廣西巡撫柯奏改設局所片

再廣西省城向設釐金捐輸報銷軍火保甲等局及營務處辦理籌餉剿匪事件近年舉行新政先後添設政務洋務各局臣到粵後又設課吏館及警察農工商鑛等局均派藩臬兩司總其成局多事冗文牘益繁該司等往來其間日不暇給委員書役勞費實多經臣仿照江西辦法改善後局爲派辦政事處區分六所曰支應曰捐輸曰洋務曰餉械曰工程製造曰農工商鑛視其事之繁簡分委各員而總於一處仍以兩司爲總辦道員爲會辦知府爲提調即將臣標已裁右營游擊衙門加以修葺已於二月初十日開辦至釐金局已改爲統稅營務處現移入臣署警察局分設各處課吏館聚集多員皆毋庸歸併據司道會詳前來除將章程咨送政務處並咨戶部立案外謹附片具陳伏乞 聖鑒 謹 奏 奉 硃批 政務處戶部知道欽此

蒙古土爾扈特郡王呈外務部代奏因時變法請假出洋遊歷摺

竊自甲午一役庚子西幸以來水陸俱辱事情更迫海內惶惶幸我 皇太后 皇上慈藹慈後銳意求治痛除積習力行實政如設外部便外交立學堂育人才設商部興商務以及

諸善政無不一意振興而收實效惟內外蒙古全部政治相沿至今泄沓如故上至王公不知時局艱難粉飾太平徒以且夕歌舞爲樂下至黎庶不知自勢難立徒以飽食終日爲事日窮日危將來伊於胡底昔者蒙古尙能爲天下今者不能爲身家推其致弱之由非蒙古之無智也實無以開其智也考今已百無一二識字者竊恐數十年後蒙古直無識字之人矣由是觀之危矣極矣況近數十年彼俄人大有覬覦謀而未割者視如囊中之物設一旦割去奴隸視之蹂踐聽之已有印度波蘭安南等代表也恐彼時再欲自勵而不可得矣若不及時圖治數年之後更不堪設想蒙古如能變法自勵不特有裨於自己亦且有益於國家況且 皇上視蒙古如臣子分茅胙土豈敢稍存畛域帕勒塔伏念世受 聖恩莫能報稱雖使捐摩頂踵亦復何惜束髮以來隱憂時事恭讀光緒二十六年十二月初十日行在有 旨誤國家者一私字禍天下者一例字仰見 聖主破除成例振興國勢之至意始敢不拘舊例妄擬條陳冒瀆 聖聰現欲亟籌自勵之策必以開蒙古民智爲先因風氣未開必先遊說去歲帕勒塔恭值年班來京蒙伊犂將軍 奏請家父告休郡王巴雅爾仍管理盟長印務帕勒塔現值公暇又適青年擬請賞假一年赴歐美二洲各國悉心考查諸政治併著蒙文書籍俟遊學旋華後請 旨爲使遊說各部落悔改苛政發憤自勵羣力維

內 務

四十二

四月

新思圖報効但求有利於 國稍補於時而舍做行西法一途更無致富強之策就管見所及舉籌蒙古政治十二條另繕清單附稟謹呈鑒核祈代 奏 聖鑒訓示

中外法制調查局規則

第一條本局定名中外法制調查局 第二條本局宗旨在據專門學理調查中外各國法制以廣供公私之用 第三條本局所辦事業分列如下一調查中外成法及各種習慣二草擬中國各種法典及法律案以上所列之外凡行政財政經濟等項本局均可調查或擬稿 第四條本局推修律大臣為總理總理為本局之代表 第五條凡贊成本局之宗旨事業概與捐助或其他有力之補助者本局均推之為贊助員贊助員分特別贊助員及贊助員二種 第六條凡擔當本局之事業而任其責者是為局員 第七條特別贊助員及贊助員之推選均由局員決議 第八條本局設立者自應作為局員其他局員入局之可否均由局員決議凡局員之行為有污本局體面及妨害本局之宗旨事業者均由局員決議除名 第九條特別贊助員及贊助員可以所需調查之件或擬稿等屬託本局並可介紹局外者所需調查之件或擬稿等 第十條特別贊助員及贊助員得受本局之事業成績書及其他重要之報告 第十一條特別贊助員及贊助員於關乎本局之事得陳其意